

Жаңалық релизi**2026 жыл 5 тамыз сағат 12:00 дейін (0700 UTC) жариялауға эмбарго**

FREEDOM HOLDING CORP. ҚАЗАҚСТАНДАҒЫ ҚЫЗМЕТ КӨРСЕТУ САЛАЛАРЫ БОЙЫНША PMI®

Шілдеде қазақ қызмет көрсету секторындағы өсім қарқыны арта түсті

**Жаңа тапсырыс саны ұлғайған соң, белсенділік
өсімі 13 айдағы ең жоғарғы мәнге жетті****Шығын инфляциясы төрт айдағы ең баяу күйде****Іскери сенім алты айлық ең төменгі мәнге түсті**

Freedom Holding Corp. ұсынған соңғы PMI® деректері үшінші тоқсан басында Қазақстандағы қызмет көрсетуші компаниялардың іскери белсенділігі айтарлықтай өскенін көрсетті.

Белсенділіктің үдеуі мен жаңа тапсырыс санының күрт өсуі тұспа-тұс келді, бұл көрсеткіш үш айда өте жедел өсті. Соңғы сауалнама кезеңінде баға қысымы бәсеңдеп, шығын ауыртпалығының ұлғаюы төрт айдағы ең әлсізі болды. Десе де, іскери сенімнің төмендеуі мен жұмыспен қамтудың қысқаруының кері әсері де көрінді.

Негізгі көрсеткіш — Іскери белсенділік индексі. Бұл индекс компаниялардың өткен аймен салыстырғандағы іскери белсенділік ауқымының өзгерісін бағалайтын жалғыз сұрақ арқылы анықталады. Индекс 0 мен 100 аралығында ауытқиды, 50-ден жоғары өсімді, ал 50-ден төмен мән төмендеуді білдіреді. Индекс маусымдық ауытқуларға сәйкес түзетіледі.

Freedom Holding Corp. ұсынған негізгі Іскери белсенділік PMI индексі екі ай қатарынан өсіп, маусымдағы 53,5 межесінен шілдеде 54,1 мәніне көтерілді. Негізгі индекс Қазақстанның қызмет көрсету саласындағы іскери белсенділік қарқынды өскенін көрсетеді, бұл — бір жылдан астам уақыттағы ең жоғары мән. Қызмет көрсету саласындағы өндіріс сәуірден бері ай сайын өсіп келеді.


Сауалнама деректері іскери белсенділіктің бұл жолғы өсіміне жаңа тапсырыс көлемінің артуы негізгі себеп болғанын көрсетті. Кейбір респонденттер клиент санының ұлғаюы мен жаңа бизнес-модельдердің енгізілуі өсімге дем бергенін атап өтті.

Бұған қоса, Қазақстанның қызмет көрсету кәсіпорындарына түскен жаңа тапсырыстар легі шілдеде біршама жедел қарқынмен өсті. Іс жүзінде, қатарынан бесінші ай байқалған жаңа тапсырыс өсімінің бұл жолғы ұлғаюы айтарлықтай әрі сәуірден бергі ең елеулісі болды. Өсімге тұтынушылар тарапынан сұраныстың артуы, туристер легінің көбеюі, жаңа бизнес-модельдердің іске қосылуы және жалпы сұраныс ахуалының қолайлы болуы ықпал етті.

Үшінші тоқсан басында өсім ұлғайғанына қарамастан, қазақ қызмет көрсету саласындағы кәсіпорындар алдағы жылғы іскери белсенділік келешегіне қатысты сенім бұрынғыдан

Freedom Holding Corp. Қазақстандағы қызмет көрсету салалары бойынша PMI

Индекс, маус.түзету, >50 = өткен аймен салыстырғанда өскен (айма-ай өскен)



Деректер 2026 жылдың 9-28 Шілде.

Дереккөз: Freedom Holding Corp, S&P Global PMI. ©2026 S&P Global.

Пікір

Салтанат Мухамбеталиева, Freedom Holding Operations ЖШС Экономикалық зерттеулер және талдау бөлімінің басшысы:

"Шілдеде Қазақстанның қызмет көрсету саласы өңдеуші өнеркәсіппен арадағы алшақтықты одан әрі ұлғайта отырып, кезекті өсім көрсетті және ұзақ уақыт ішіндегі оптимизмнің ең жоғары деңгейін тіркеді. Екі бағытты күшті динамиканың нәтижесінде қызмет көрсету және өндірістік кәсіпорындардың іскерлік белсенділігі индекстері арасындағы спред бақылау жүргізілген бүкіл кезеңдегі ең жоғары деңгейге жетті. Дегенмен, қызмет көрсету саласындағы бұл оптимизм біршама тұрақсыз көрінеді. Жаңа тапсырыстардың кезекті өсіміне қарамастан (көлік және қоймалау сегментін қоспағанда), салада жұмыс орындарын қысқарту үрдісі жалғасты. Өзге триггерлердің қатарында — алдыңғы үш айдағы шыңнан кейін сәл бәсеңдегенімен, маржаға түсетін қысымның тарихи жоғары деңгейде сақталуын, сондай-ақ соңғы он айдағы айлық түзетудің ең күшті қарқынымен тіркелген бизнес күтулерінің бір жылдық көкжиекте күрт төмендеуін атап өтуге болады. Сектордың бұдан былайғы дамуы алдағы айлардағы нарықтық конъюнктураның қалай қалыптасатынына байланысты болады".

да төмендегенін хабарлады. Позитивті күй көрсеткіші алты айлық төмен мәнге құлдырап, ұзақ мерзімді орташа деңгейден төмен қалпында қалды.

Респонденттердің шамамен 16%-ы алдағы 12 айда белсенділік өседі деп күтеді, олар төмендеуді болжағандар үлесінен екі есе көп. Оптимизмге жарнаманы ұлғайту, клиент базасы мен қызмет түрін көбейту және жаңа келісімшарттар жасау жоспарлары ықпал етсе де, экономикалық тұрақсыздық, салық заңнамасының өзгеруі мен бәсеке қысымына қатысты ахуал кері әсерін тигізді.

Шілдеде штат саны қатарынан алты ай азайып, жұмыспен қамту көрсеткіші де қысқару мәнінде қалды. Жұмысшы санын азайтқан респонденттер мұны компанияны қайта құрылымдау, төрт күндік жұмыс аптасына көшу және филиалдарды жабумен түсіндірді.

Жалпы, шілдеде қызмет көрсету саласында шығынның ұлғаюына негізінен шикізат пен жеткізушілер құнының қымбаттауы ықпал етті. Бұл шығындар бағаны көтеру арқылы тұтынушылардан өтелді. Инфляция қарқыны ай ішінде бәсеңдеп, наурыз бен мамырдан кейінгі ең төмен мәнге түсті, алайда тарихи мәнде алғанда салыстырмалы түрде жоғары қалпында қалды.

FREEDOM HOLDING CORP. ҚАЗАҚСТАН БОЙЫНША АРАЛАС PMI

Жеке сектордағы сенім 2020 жылғы сәуірден бергі ең төмен мәнде

Қазақстанның Аралас Өндірістік PMI Индексі* шілдеде қатарынан төрт ай бойы 50,0 бейтарап мәнінен жоғары болды. Индекс маусымдағы 51,6 мәнінен аз ғана өзгеріп, 51,5 мәніне тоқтады және жеке сектордағы белсенділік орташа өсімі көрсетті. Өсімге бұл жолы жа қызмет көрсету секторы ықпал етті, белсенділік айтарлықтай өсімі өңдеуші өнеркәсіптегі тереңірек құлдыраудың орнын өтеді.

Жалпы жаңа тапсырыстар саны аздап өсті, оның қарқыны маусыммен салыстырғанда сәл ғана бәсеңдеді. Өсімді бұл жолы да қызмет көрсету саласы қамтамасыз етті, ал өңдеуші өнеркәсіпте құлдырау қарқыны үдей түсті.

Жалпы, жұмыспен қамту деңгейі қатарынан алты ай бойы төмендеді. Оның ауқымы орташа болғанына қарамастан, жұмыс орындарын қысқарту қарқыны 2023 жылғы қарашадан бергі ең жеделі еді.


Сонымен қатар инфляция қысымы бәсеңдеді. Ресурс құны мен дайын өнім бағасының инфляциясы ұзақ мерзімді орташа көрсеткіштен төмен болды.

Өндіріс көлемінің 12 айлық келешегіне келсек, сенім деңгейі 2020 жылғы сәуірден бергі ең төмен мәнге құлдырады.

Өндірушілер де, қызмет көрсетушілер де ай ішінде жағымды көңіл-күйдің айтарлықтай төмендегенін тіркеді.

■ PMI Ресурс бағасы ■ Баға белгілеу бойынша PMI

Индекс, маус.түзету, >50 = өткен аймен салыстырғанда инфляция




Дереккөз: Freedom Holding Corp, S&P Global PMI. ©2026 S&P Global.

■ Қазақстан бойынша аралас PMI

Жалпы ішкі өнім (GDP) ■

Өндірістік индекс, маус.түзету, >50 = өткен айға қарағанда өскен

% ж/ж



Дереккөз: Freedom Holding Corp, S&P Global PMI. ©2026 S&P Global.

Байланысушы тұлға

Салтанат Мухамбеталиева
Экономикалық зерттеулер
және талдау басшысы
Freedom Holding Operations
saltanat.mukhambetaliyeva@frhc.group
Freedom Holding Corp

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp

Марьям Балуч
Экономист
S&P Global Market Intelligence
T: +44 (0) 1344 327 213
maryam.baluch@spglobal.com

Ханна Брук
ЕМҒА елдері бойынша
коммуникация менеджері
S&P Global Market Intelligence
T: +44 7483 439 812
hannah.brook@spglobal.com
press.mi@spglobal.com

Егер S&P Global жаңалықтар релизін алғыңыз келмесе
press.mi@spglobal.com поштасына хабарлаңыз. Біздің
құпиялық саясатымыз туралы [осы тұстан](#) оқыңыз.

Әдістеме

Freedom Holding Corp. Қазақстандағы қызмет көрсету салалары бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптер негізінде S&P Global әзірлеген.

Қамтылған салалар арасында тұтыну (бөлшек саудадан басқа), көлік, ақпарат, коммуникация, қаржы, сақтандыру, жылжымайтын мүлік және бизнес қызметтер бар. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айнымалысы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш қызмет көрсету саласындағы іскери белсенділік. Бұл алдыңғы аймен салыстырғанда іскерлік белсенділік ауқымының өзгерісі жайлы сауалға сүйеніп есептелетін таралу индексі. Қызмет көрсету саласындағы іскери белсенділік индексі өндірістегі өнім өндіру индексімен пара-пар. Ол «Қызмет көрсету бойынша PMI» аталғанымен өнім өндіру бойынша PMI негізгі көрсеткіштерімен пара-пар бола алмайды.

Аралас Өндірістік Индекс- Өндірістегі өнім өндіру индексі мен Қызмет көрсету саласындағы іскери белсенділік индексінің орташа мәні. Мәндер ресми ЖІӨ деректеріне сәйкес өнім өндіру және қызмет көрсету секторларындағы салыстырмалы ауқымды көрсетеді. Аралас Өндірістік Индекс «Аралас PMI» деп аталғанымен өнім өндіру бойынша PMI негізгі көрсеткіштерімен пара-пар бола алмайды.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін economics@spglobal.com поштасына жазыңыз.

Freedom Holding Corp.

Freedom Holding Corp. әртарапандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 11,3 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 21 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдаспаса деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.